

FS

5548

1


ՀԱՅԿԵՆԱԿԱՆ
ԳՐԱԴԱՐԱՆ

გვ. 962.1-34

5548
საქართველოს
საბჭოთა კავშირი

ქ. შ. წ.-კ. გამავრ. საზოგადოების ქუთაისის განყოფ. გამოცემა №4

ეკატერინე გაბაშვილისა.




მაგდანას „ლურჯა“



საქართველოს მოსახლეობა.



ქუთაისი
სტამბა იოსებ მ. ხელაძისა.



675
3
F

5548

საგარეო ურთიერთობების სამსახური

„საგარეო ურთიერთობების“



საგარეო ურთიერთობების სამსახური



FS 5548
1

I

მაგდანა ჯერ ძლიერ ყმაწვილი დედაკაცი იყო, როდესაც ქმარი მოუკვდა და ოთხი უსუსური ბავშვიანი ხელზე ულუკმა-პუროთ დარჩა. მრთადერთი ძროხა, რომელიც ამის ბაღნებს ზაფხულობით ლუკმას უსოვლებდა, ქმრის დამარხვას მოუხდა—და სხვა სანუგეშებელი ქვეყანაზე აღარაფერი გადარჩა. რა ექნა უბედურ ქვრივს? რით გამოეკვება თავისი ობლები? სოფელი მწირი, სადაც მაგდანა ცხოვრობდა, იმისთანა უნაყოფო, უწყალოთ მოტიტვლებულ მინდორზე მდებარეობს, რომ იმის მცხოვრებნი დიდის ვაივაგლახით შოულობენ დღიურ ლუკმას. და, აბა, ამგვარი მეზობლები რა ხელს გაუწვდენდენ წვრილ-შვილს, უვაჟკაცოთ დარჩენილ ოჯახს!

ამ უბედურსა და ბუნების მხრით განწირულ სოფელს მხოლოდ ერთი ბედნიერება სჭირდა: ქალაქზე საკმაოთ ახლო იყო და იქ მცხოვრები გლეხები ამ ქალაქში შოულობდნენ სამუშაოს, ბაზარს გასასაღებლათ, თუ რამ ნაწარმოები გააჩნდათ გასასაღებელი. მაგდანასაც ამ სიახლოვემ უჩვენა გზა—და ხელი მიჰყო იმისთანა საქმეს, რომელიც ძლიერ მძიმე და თითქმის აუტანელი იყო მისთვის. მაგრამ რას გააწყობდა, როდესაც ოთხი ბავშვის ტირილი: — „დედა, პური, დედა, პურიო!„ — დღედაღამ მოსვენებას არ აძლევდა და მშობელს გულს უფათრავდა.

მაგდანა სულ ერთი კვირის დაქვრივებული არ იყო, როდესაც მძიმე შავებში გახვეული, მაწვნის ქილებით ცალ მხარეზე და კარგა მოუდიო რძის კოკით მეორე ხელში, ქალაქისაკენ გაემგზავრა.



რძეს მაგდანა თავისი მეზობლებისაგან ყიდულობდა, სალამოობით მაწვნათ აყენებდა და მეორე

დილაზე გაუთენებლივ გაუდგებოდა ხოლმე ქალაქის გზასა. იქ, „იარმუკის“ თავში, ტროტუარზე დაჯდებოდა, მოიხსნიდა თავის მძიმე ტვირთს, ჩამომწკრივებდა სუფთად დახეხილ მაწვნის ქილებს, რძის ლიტრებს—და თავჩალუნული მუშტარს ელოდა.

პირველში საშინლათ იტანჯებოდა საცოდავი ქვრივი, რომ ასე აშკარათ, გაშლილ მოედანზედ იჯდა ახალი მგლოვიარე, შავებით მოსილი, და გამვლელ-გამომვლელს საყიდლათ იწვევდა. მაგრამ შემდეგ შეეჩვია, მყიდველებს ღიქინიც კი დაუწყო, მეტადრე მაშინ, როდესაც მის გვერდით სხვა ბევრი ქვრივ-ოხერიც გამოიჭიმა მაწვნის ქილებით, რძის ლიტრებით და მის ვაჭრობას შეეცილენ.

მაგდანა იმდენს შოულობდა ამ ვაჭრობით, რომ შიმშილით არ მომკვდარიყო და ცარიელი ლუკმა მაინც მიეწვდინა თავისი ობლებისათვის.

მთმცა სოფელი მწირი ქალაქიდან სულ ხუთ-ექვს ვერსზე იყო მოშორებული, მაგრამ ამ მცირე მანძილის გავლაც დღეში ორჯერ, მძიმე ბარგით ზურგზე, ისე სწყვეტდა საბრალო დედაკაცს, რომ ბევრჯერ შინ დაბრუნებული მაგდანა ორისამი საათით უღონოთ ეგდო დერეფანში—და თავს დასჩხაოდენ მისი პატარები. მუდმივმა მძიმე ტვირთის ზიდვამ მარჯვენა მხარე ჯერ დაუიარავე და შემდეგ ისე დაუკოჟიჟდა, რომ ყოველ ბარგის აკიდებაზე მაგდანა სიმწარით ცრემლებსა ყრიდა და უღონოთ წაიჩოქებდა ხოლმე, მაგრამ შემდეგ წამს პირჯვარს გადიწერდა და თავის გზას გაუდგებოდა.

დედის დაბრუნებამდი ოჯახს მაგდანას უფროსი გოგო, თორპეტი წლის სოფო, პატრონობდა და ჩინებულათაც პატრონობდა. სანამ პატარა და-ძმას ეძინა, დარბაზს დაგვიდა, კოკებს დილის წყლით აავსებდა, წიწილ-კრუხს საზრდოს მისცემდა და, როცა პატარები გაიღვიძებდენ, ხელ-პირს დაბანდა, სახვალთო საჭირო რძის ჭურჭელს დახეხდა, პატარა ბავშვს ხელში დაიჭერდა და ბანზე გავიდოდა; იქ მზის გულზე ჩუმათ ჩხირკედელაობდა დედის დაბრუნებამდი. ძალაქიდან მომავალი გზა ამათი სოფლის წინ კარგა მანძილზედ იყო გაშლილი და შემდეგ დაღმართში იკარგებოდა; დაინახავდა პატარა სოფო დედას აღმართზე ამოსულს თუ არა, თავის პატარა დას ძირს დასვამდა, სირბილით მიეგებებოდა დედას, ცარიელ ქილებს, ნაყიდ ხორავს ჩამოართმევდა და მშობელს ცოტათი მაინც შეუმსუბუქებდა ტვირთსა.

მაგდანას აუტანელი გაუხდა ჯაფა ზაფხულში. მკათათვის მზის მწვავი სხივები უღმობელათ სწვავდა საცოდავს თავ-პირს, ცეცხლს უკიდებდა მუდამ ფეხშიშვლობით დაფათრულ ფეხებს და ერთი-ორათ უგძელებდა მანძილს; მაგდანა წამდაუწუმ ისვენებდა გზაზე, ბევრჯერ დაღალულ-დაქანცულს კიდევ მიეძინებოდა ჩრდილში და საღამომდი ძლივს მიაწევდა ხოლმე თავის სოფელს. რძის ყიდვა, ადუღება, მაწვნების შეყენება უგვიანდებოდა და ერთ-პირ დაძინებასაც ვერ მოასწრებდა, რომ მამლები იყივლებდენ—და ხელახლა გზას უნდა გადგომოდა. ამის

გამო ყოველდღე ქალაქში სიარული შეუძლებელი შეიქნა და ობლების საზრდომაც იკლო; სოფო და დედა ნახევარჯერ მშვიერები იყვნენ და თავის წილ ლუკმას პატარებს უზოგავდნენ.

II

მარიამობის-თვეში, ერთ საშინელ ცხელ დღეს, მაგდანა ჯანმიხდილი, საშინელი ქშენით და ოფლში გაწუწული ავიდა იმ აღმართზე, საიდანაც სწორი გზა იწყებოდა სოფლამდი, და ძალიან გაუკვირდა, რომ სოფო ჩვეულებრივ არ მოეგება, და შიშით გული გადმოუქანდა.—**ჰაიმე, შვილებო!**—**ბულში ხელი ჩაიკრა და თითქმის სირბილით მიიჭრა შინ. იმისი შვილები და სოფლის გოგო-ბიჭები დერეფანში დიდის ღრიანცელით თავს რაღასაც დასტრიალებდნენ; მაგდანამ მისწი-მოსწია ბავშვების გროვას-და გაოცებული შედგა: მიწაზე დაცემული სახედარი იწვა, კისერი საცოდავით გადაეგდო და მძიმეთ ქშინავდა. მაგდანას სახეზე ღიმილმა გადაკრა და ბავშვები მირეკ-მორეკა. შემდეგ დიდის გულისხმიერობით გაუშინჯა სახედარს წელი, ფეხები და, რა დარწმუნდა, რომ სახედარს მოტეხილი არა აქვს-რაო, უფრო ტკბილათ გაიღიმა.**

— **ღედა, იცი, მიხას ეს ვირი გზის ნაპირას ენახა, დამიძახა და რის ვაივავლახით მოვაგდეთ შინამდინა. ის იყო უნდა დამება და ბალახზე წავსულიყავ, რომ საცოდავი დატორტმანდა და ძირს დავცა. მე ყვირილს მოვყევი, გოგო-ბიჭები შემოცვინ-**

დენ, და აი—ზედ დატანებაზედ შენც მოხვედი.

— ოჰ, შვილო, თუ სახედარი გამობრუნდა, ჩვენს ბედს ძალლი არ დაჰყევს. აბა, წადი ჩქარა ბატონიანთ სათივეში, ღობის გვერდებში მიგლიჯ-მოგლიჯე მწვანე, სულ ნორჩი ბალახი — და საჩქაროთ მოირბინე.




მაგდანას სულ დაავიწყდა, რომ დაღალულ-დაწყვეტილი იყო, და საჩქაროთ სახედრის მოვლას შეუდგა. ზაათფო წყალი, გადაგლეჯილი და დაიარავეებული ზურგი მობანა, ნავთში გავლეებული ჩვა-

რი დაათარა, შეკრული კრიკა გაუხსნა და ცივი წყალი ჩაასხა; შემდეგ მარილმოყრილი ლუკმა ჩაუდვა — და გადასავსავებული პირუტყვი მოაბრუნა. ამასობაში სოფოც მოვიდა, მწვანე ბალახით დატვირთული, და ვირს ბალახი ალერსით წინ დაუყარა.

III

მრ კვირას შემდეგ, როდესაც სახედარმა იმ-



დენათ მოიხვდა, რომ ტვირთის აკიდება შეეძლო, მაგდანამ ერთი-ორათ მეტი რძე იყიდა, ერთი-ორათ

მომეტებული მაწონი შეაყენა, მეზობლებისაგან ორი დიდი გოდორი ითხოვა, გადაკიდა თავის ბედაურს, შიგ მჭიდროთ ჩააწყო თავისი ქილები და ქალაქის გზას გაუდგა. ღღეს ვერაფერ იცნობდა მაგდანას, ისე გაღიმებული, ბედნიერებით სავესე აყო იმისი შეხედულობა. ჩვეულებრივ ტვირთ-ქვეშ მოხრილი კი აღარ მილოღავდა, — არა, ამაყათ აბიჯებდა და მხიარულათ შესცქეროდა თავის თანაშემწე „ლურჯა“ სახედარს და მის გარეშემო სიხარულით მხტუნავ თავის ბავშვებს.

— დედა, დღეს ხომ უფრო ადრე ჩახვალ? — ღიმილით ეკითხებოდა მაგდანას მისი პატარა მიხა.

— რასაკვირველია, შვილო! ადრე კი არა, ერთი-ორათ ადრე ჩავალ და შუადღემდი იქნება კიდევ მოვბრუნდე.

— რას ამბობ, დედა, შუადღემდი! იქნება საღამომდინაც ვერ მორჩე მაგდენი მაწვნის გაყიდვას; მთელი სოფლის ქოთნები მათხოვიე წუხელის, — უთხრა სოფომ დედას.

— ბაყიდვისა კი არ მეშინია, — ამ ოთხუთ დღეში, შვილო, იმდენი ხალხი გავიცანი, იმდენი მუშტარი ვიშოვე, რომ ფიქრი არ არის, მალე დავაცარიელებ მაგ დიდ გოდრებს; მერე ვერა ხედავ, რა ცხელ დღეს იქერს? მაწვნის მეტს რას შესჭამს ამ პაპანაქებაში ვაჭარი კაცი! ახლა კი დაბრუნდით, შვილო, დაიღლებით!

— არა, დედი, არა, დაღმართამდი მიგაცილებთ და იქიდან გიყურებთ, როგორის გოგმანით

წავა ჩვენი ლამაზი „**ლურჯა**“. რა ლამაზი თვალები აქვს, დედა, შავი, ჭკვიანი! მაგრამ ისევ ისე დაღონებული კი გამოიციკირება, როგორც მაშინ, დავარდნილი რომ ვიპოვეთ! ახლა ხომ აღარ შია, — დაღონებული რაღათ არის?

— რა ვიცი, შვილო, ვირის ჯიში აგრეა, სულ დაღონებული არიან ვირები, თავს მაღლა თავის დღეში არ აიღებენ. მაძღრობა ვირს მარტო კუნტრუშზე შეეტყობა, და განა არ ნახე, გუშინ ჩვენი „**ლურჯა**“ მინდორზე როგორ კუნტრუშობდა?!

— ხა, ხა, ხა, როგორ დაკუნტრუშობდა ბოგიაანთ ვირებთან! — გადიხარხარეს პატარებმა. სანამ მოხვალ, დედი, იმდენ ბალახს მოვუტანთ, იმდენს, რომ შიგ ჩაიფლას ჩვენი „**ლურჯა**“, — ხტუნვითა და აღტაცებით შესჭიკჭიკებდენ შვილები მაგდანას.

IV

მართლაც, მაგდანას ღმერთმა მოხელა და სახედრის წყალობით იმისი საქმე კარგათ წავიდა; რძესა და მაწონს გარდა მაგდანამ ხანდახან კვერცხსა და ქათამსაც დაუწყო ყიდვა. მაგდანა ყოველთვის პატიოსნათ ვაჭრობდა, რძესა და მაწონს წყალს არ ურევდა, ჭურჭელი სოფოს წყალობით ყოველთვის მშვენიერათ დახეხილი ქონდა — და ამის გამო მუდმივი მუშტარი ბევრი აიჩინა ქალაქში. ბარდა იმისა, რომ მაგდანასაგან ვაჭრობდენ, იბრალლებდენ კიდევ იმის ობლებს და აძლევდენ იმათთვის

ნახმარ ტანისამოსს, ფეხსაცმელს...

შემოდგომამდი მაგდანამ დღიურ ლუკმას იმ-
 დენი გადაარჩინა, რომ შეიძლო ცოტოდენი სა-
 წვრიმლო ეყიდა—და, როდესაც სოფლის საქონელი
 გაშრა და რძე აღარ იშოვებოდა, საწვრიმლოს ყიდ-
 ვა დაიწყო; მიეკედლა ერთს მეწვრიმალე ხნიერ
 დედაკაცს, იმასთან სანახევროთ სავაჭრო იყიდა,
 წამოკიდა თავის სახედარს და წავიდენ მთიულებში
 სავაჭროთ. ამ ვაჭრობით ორი-სამი ტომარა ფქვი-
 ლი მოუმზადა საზამთროთ შვილებს, სახედარს—ბზე
 და ცოტოდენი ქერი, და ახლა კი დაისვენა, და-
 უბრუნდა თავის შვილებს, ცეცხლი ააბოლა თავის
 კერაზე. ზამთრის დიდ ღამეებში მაგდანა ცეცხლი-
 პირას იჯდა, განუშორებელი მატყლის წინდით ხელ-
 ში, და თან თავის შვილებს მოუთხრობდა ქალაქის
 ამბებს, თავის თავგადასავალს, თავისი ვაჭრობის
 უცოდინრობას პირველათ.

— ზამოცთილება კარგი ყოფილა, შვილო,—
 დარბაისლურათ ზიუბრუნდებოდა ხოლმე მაგდანა
 თავის ჭკვიან გოგონა სოფოს:—პირველათ რომ
 მაწვნის ვაჭრობა დავიწყე, ყველა მასხრათ მიგდებდა,
 ყველა ცთილობდა ჩემზე წინ წამდგარიყო, რომ
 უფრო მალე გაესაღებია თავისი სავაჭრო, და მე კი,
 ბეჩავი, ჩუმათ აბუზული, უკან ვრჩებოდი. ბევრჯერ
 მტრობით ავმა სულეებმა მიწა გადამიყარეს მაწვნებზე,
 ბევრჯერ განგებ დამეჯახენ და დამაქცევინეს, მაგ-
 რამ მეც თვალი გავახილე, მეც მივხვდი, რომ ყვე-
 ლაფერში გამარჯვება სიმარდესა და სიმზნევეზეა,

და ხმა ამოვიღე, მივიძარ-მოვიძარ. მეტადრე, როცა მომაგონდებოდა, რომ თქვენ აქ უპატრონოთ, მშვიერები, ტიტვლები ეყარეთ, ცეცხლი მომედებოდა ხოლმე გულზე—და მაშინ ვინ იყო ჩემი წინ წამომდგომი! მე ყველაზე წინ გავრბოდი, მე ყველას უფრო მომეტებულათ შევდიქინებდი, რომ ჩემი რძე-მაწონი ეყიდათ,—და ლუკმა ამით ვიშოვე.

V

ნააღდგომევეს, როდესაც სოფლებში წველა ისევ გახშირდა, მაგდანამ გაამზადა თავისი ბედაური, თავისი მაწვნის ქოთნები—და გაუდგა ქალაქის გზას. მხიარულათ მიერეკებოდა თავის „ლურჯას“ და თანაც ღიღინობდა; მაგდანას გული იმედებით იყო სავსე. სააღდგომოთ შვილები ვერაფრით გავახარე, თითო ჩითის პერანგიც ვერ ჩავაცვი—და ახლა მაინც ვუყიდი რასმე; სოფოს, ჩემს იმედს, ჩემს ჭკვიან გოგონას წითელ ფოსტლებს ამოვუტან,—ენაცვალოს დედა! მე შენ გითხრა, ჩემს პატარებს უჩემობას შეამჩნევენებს: ისე დაგურგურებს, როგორც კარგი დამზნილი დედაკაცი!.. ჩემს ვაჭრობას უფრო მოვეუმატებ. იქნება ორიოდ გროში მივაგდო სოფოს სამზითვოთ... ღერეფნის შუა ბოძი ძლივს იმაგრებს გასაყარ ხესა, იმასაც გამოცვლა უნდა...

ამ ფიქრებში გართული მაგდანა მიუახლოვდა ქალაქს. ის-ის იყო მზემ თავი ამოყო და მშვენიერათ გააჩაღა შერის ბაღები, პატარა სერის ხევის მომჩქეთარე წყალი და უზარმაზარ სარკესავით ააღაპ-

ლაპა მტკვრის მდორეთ მოძრავი ზემოთა პირი. ახლათ გამოღვიძებული ქალაქის ხმაურობა გუგუნივით მოისმოდა. შეშის ურმები, აგურის პოვოსკები, ფურგუნები ერთი ერთმანეთში ირეოდა; მებაღეები წვანილდატვირთული სახედრებით, მერძვე დედაკაცები კოკებით, კინტოები თაბხებით თავზე — მიეშურებოდენ, გარბოდენ, რომ ბაზარში არ დავიანებოდათ. მაგდანამაც ორიოდე სახრე გაჰკრა თავის „ლურჯას“ და ფეხი ააჩქარებია.

მაგდანა რომ შერის აღმართს ავიდა, იმის პირდაპირ საშინელი სიჩქარით გამორბოდა მთელი ჯოგი სახედრებისა. იმათი პატრონი, მთლათ შემურული მენახშირე, მშვენიერ იორლა ჯორზედ იჯდა და, რაც ძალი და ღონე ქონდა, მიერეკებოდა. მრთმა ვირმა წამოკრა გვერდი მაგდანას მაწვნის გოდორს და მთლათ შეარყია. მაგდანა გაანჩხლდა და მენახშირეს წყევლა დაუწყო: „ძისერი მოგტყდეს, კისერი, შე ღვთის მუხანათო! რაზედ დამლუპე და დამაქციე! ღოსავით გათქვეფილი მაწონი ვილასთან უნდა მივიტანო?

მენახშირემ მხოლოდ ახლა მოიბრუნა კისერი ამისკენ — და უცბათ შედგა, საჩქაროთ გადმოხტა ჯორიდან და მაგდანასთან მიიქრა: — დედობილო, ნუ კი იწყევლები ემანდა — და, აბა, მიბძანე, ეგ სახედარი შენ ვინ მოგცა?

მაგდანას მუხლები მოეკვეთა, პირზე მკვდრის ფერი გადაედგა და ხმის კანკალით ძლივს წაილულულუდა: — მინდორში დავარდნილი ვიპოვე, სული ამოსდიოდა და მოვაბრუნე.


— „ღვარდნილი, სული ამოსდიოდა“, — გა-
აჯავრა მენახშირემ მაგდანას: ვინ გეხვეწებოდა მო-
აბრუნეო? მინდორში მე იმისთვის კი არ მივანებე
თავი, რომ შენ მოგეპარა! სხვა სახედრებს ჩამომრჩა,
მე მეჩქარებოდა და თავი იმიტომ დავანებე; მეორე
დღეს ტყიდან უნდა ჩამომეველო, წამეყვანა — და რა
გაგიშვია, რას ეძებ! თუმცე რომ შენ მიგიჩქმაღავს,
შე არამზადავ, შენა! ახლავე მომე, თორემ ეს არის
შუაზე გაგგლიჯე! მოხსენ ეგ შენი ქოთნები, თო-
რემ ლუკმა-ლუკმა დაგიმტვრეე! „სულში“ წაგა-
თრეე და ქურდობისთვის ციხეში დაგალობინებ!..

მაგდანამ დაინახა, რომ ობლების საზრდო, იმე-
დი ხელიდან ეცლებოდა, საშინლათ გააფთრდა, გოდ-
რებს ზედ გადაეფაფრა, წივილ-კივილს მოჰყვა და,
რაც ჯანი და ღონე ჰქონდა, იგერებდა გაცოფებულ
მენახშირეს.

— ვერ წამართმევ, ვერა! ეს ჩემი ნაპოვნია,
ჩემი გამოკვებილია ზამთარში, ჩემი შვილების ნუგეში
ეს არის, — ვერ წამართმევ! მომეცალე, მომეცალე,
თორემ თვალებს გამოგიწიწკნი, თავს აქ მოვიკლავ,
და არ დავანებებ კი!

— იქით, იქით! ხელი აიღე, თორემ ეს არის
მოთმინება დავკარგე! შენისთანებმა უნდა მაჯობონ,
შე მასხარავ? იქით-მეთქი, გეუბნები! ცოდვაში არ
ჩამავდო, წიწილივით არ წაგახჩო! ნაპარევი გიპო-
ვე, შე არამზადავ, შენა, და კიდევ მიძალიანდები?
რატო სირცხვილით თვალი არა გსკდება და დედა-
მიწაზედ არ დავარდები! იქით, იქით-მეთქი!

— არა, არა! ჩემი ცოცხალი თავით ვერ
დავანებებ. ჩემია, ჩემი, არ მომიპარავს! ვანა, ურ-
ჯულო, შენ თვითონ არ იცი, რომ არ მომიპარავს?



მთელმა ქვეყანამ იცის, „ტარშინა“-მამასახლისთან
გამოცხადებული მაქვს. ღმერთმა აჩუქა ჩემს ობ-
ლებს—და შენ უნდა წაართვა? არა, ვერ წაართმევ,
ვერა!




მაგდანას თავშალი გადუვარდა, თმები ჩამოვ-
შალა და გაეწეწა, პირზე მკვდრის ფერი დაედვა,
შუბლზე ცივი ოფლი ჩამოსდიოდა, იმის მუდამ
წყნარ ხმას მრისხანება მიეცა, მკლავს—საშინელი
ძალა, და ყმაწვილს, ლომივით ღონიერ მენახშირეს
კინალამ აჯობა.

ამასობაში პოლიციაც გაჩნდა, ჩხუბის მიზეზი
გამოიკითხა—და მენახშირე ამ სიტყვებით გაისტუმრა:
წართმევა არ იქნება, წადი, წადი, „სულში“ იჩივლე,
იქ გაარჩევენ საქმეს და, სახედარი ვისიც არის, იმას
მისცემენო.

მაგდანამ სული მოითქვა, თავშალი მოიხვია,
ტანისამოსი გაისწორა და თავჩალუნული და შე-
მკრთალი, რომ ამოდენა ხალხმა ამის გაანჩხლება
დაინახა, იარმუკისკენ წავიდა.

VI

მშვენიერი, წყნარი, მთვარიანი ღამეა. მაგდანა
თავისი ოთხი შვილიანათ ვახშამს მოჯდომია ეზოში,
წინ პურჩაყრილი მაწვნით სავსე ტაფა უდგას, მაგ-
რამ კი არავინა სჭამს. იმათ მოშორებით ბაკის ღო-
ბესთან გამობმული „ლურჯა“ კი მადიანათ ახრამუ-
ნებს მწვანე ბალახს. მაგდანა მწარეთ ჩაფიქრებული
შესცქერის მთვარეს და თვალები ცრემლებით ევსე-
ბა... შინ იცის-რით გადასწყდება ხვალ ამის საქ-
მე... წაართმევენ ცხვირების ერთადერთ სახსარს—
„ლურჯას“, თუ შეიბრალებენ ამის წვრილ-შვილს



და არ გამოსწორვენ? **მკ**, **ღმერთო**, სად არის შენი სამართალი! მომხედე მე საცოდავს, ჩემს საბრალო ობლებს! **ბანა** „**ლურჯა**“ მართლა ჩემი არ არის? განა მართლა მე არ გადავარჩინე სიკვდილს? განა მთელი რვა თვე მე და ჩემი შვილები ამის მოვლაში და საზღოს ზრუნვაში არ ვიყავით!.. **რო** წაგვართვან, რალა გვეშველება! **ისევ** უნდა წელში მოვიხარო და ოთხფეხ პირუტყვსავით ზურგით უნდა ვზიდო რძე და მაწონი!? **მხ**, **ოხ**, **ღმერთო**, **ღმერთო**! შენ იყავ ჩვენი მფარველი!—**ღა** მაგდანას მწარე მდულარება გადმოსცვიდა

— **ღედა**, რათა სტირი?—უთხრა დედას გულამომჯდარმა **სოფომ**: იქნება „სუდიებმა“ ჩვენ გვარგუნონ; წინათვე გულს რათ იხეთქ?

— **ღედა**, მოდი მე ზედ შემსვი,—ტირილითვე უთხრა **მიხამ**, და სანამ არ მომკლავენ, ძირს არ ჩამოვალ.

— **შე** საწყალო, შენა! სანამ არ მომკლავენო! შენ რა ხარ, შვილო, რომ შენი მოკვლა რა იყოს! პანტასავით იქით გადაგისვრიან და ბევრსაც გირტყმენ.

—**მაშ**, მოდი, დედა, მთიულებში წავიყვანოთ და იქ დავმალოთ, — იმედს არ კარგავდა პატარა **მიხა**.

— **ღედა**, პური ჭამე, გეთაყვანე! **ღმერთი** მოწყალეა! **ბუშინ** **ნოზაძიანთ** **ნინიკა** ამბობდა: მთელი სოფელი უმოწმებს, რომ კვდარი მოაბრუნაო. **მაგდანას** დამალვით ხომ არ დაუმაღავსო! **საქვეყნოთ** „**ტარშინას**“ გამოუტყხადაო, რომ, თუ ზამთარ-

ში გამოვკვებავ, მერე აღარავის დავანებებო. ან ვის გაუგონია დავარდნილი სახედრის უკან დევნაო?! ეს გზა სულ მენახშირეებით არის გათელილი, მაგის მეტი რა გვინახავსო? დავარდნილი სახედარი ბევრი მოგვიბრუნებია, მაგრამ პატრონს ხმაც აღარ ამოულიაო.

— მე მეც ვიცი, შვილო, მაგრამ, ვინ იცის, „სუღიები“ კანცელარიაში რა ქეიფზედ იქნებიან, ვისას უფრო გაიგონებენ. მენახშირე ფულით არის გატენილი, და მე ერთი უბედური გლახა ვარ, და გლახისას ვინ რას შეიწყნარებს!..

— არა, დედილო, არა! ჩვენს „ლურჯას“ ვერავინ წაგვართმევს, — ქვითინით წამოხტა პატარა მიხა და მივარდა სახედარს: არა, „ლურჯავ“? შენ ნუ წაყვები იმ ოხერ მენახშირეს, ნუ წაყვები, შენი ჭირიმე! — და ამ სიტყვებთან ერთად ორივე ხელით შემოეხვია „ლურჯას“ კისერზე.

VII

მეორე დღეს მაგდანამ თავის „ლურჯას“ თავზე ხელი გადუსვა, ტკბილს, დაღონებულ თვალეში დიდხანს ჩააქჳერდა — და თავი გაიქნია: განა ასეთი იყავ ამ რვა თვის წინათ? განა ასე გიბზინავდა აქა-იქ ამოგლეჯილი შენი ლურჯი ბალანი, ჩემო „ლურჯავ“? განა მენახშირე ისევ ისე არ გადაგადრობს ჩემგან მორჩენილ ბეჭებს? ნეტა ლაპარაკი მაინც იცოდე, რომ შენა გკითხონ, თუ ვის აირჩევდი

პატრონათ!... „**ლურჯაც**“ თითქო გრძნობდა თავის განსაცდელს—და, რაც შეეძლო, ზედ ეკვროდა თავის პატრონს.

მაგდანამ კარგათ მოუარა თავის ბედაურს, კურტანიც კი აღარ დაადგა, რომ ყველას ენახა, რა რიგათ იყო მოვლილი იმისი „**ლურჯა**“, კისერზე თოკი გამოაბა—და, რომ შვილების ტირილი და ვაგლახი აღარ ენახა, გაუთენებლივ გაუდგა გზას. **ჯერ** სოფლის „კანცელარიაში“ ჩამიჩუმიც არ იყო, რომ მაგდანა თავისი სახედრით იქ გამოცხადდა.

სოფო, მინა და ორი პატარა მთელ დღეს ბან-ზედ ისხდენ. არც ერთს მათგანს მთელი დღე ხმა არ ამოუღია, თითქმის არა უქამია—რა—და მხოლოდ გზას გასცქეროდენ. მზემ კარგა გადაიწია, და მაგდანა კი არსად ჩანდა.

ბავშები სასოწარკვეთილებას მიეცენ. სოფო, რაც ძალი და ღონე შერჩა, კიდევ ნუგეშსა სცემდა პატარებს, თუმცა თვითონ მთლათ კანკალობდა მოუთმენლობით.

მზე ჩავიდა--და აგერ გზის პირათ გამოჩნდა მაგდანას შავი თავშალი. ძიდევ ერთი წამი—და მაგდანა, წელში გაშლილი, პირმომღიმარი, თოკით ხელში, „**ლურჯას**“ წინ მოუძლოდა და, თავისი მოწმეებით გარშემოხვეული, სოფელს მოუახლოვდა. მაგდანას შვილები სახედრის დანახვაზე მთლათ გადაირიენ: სტიროდენ, იცინოდენ, ხტოდენ, გარბოდენ, უკან ბრუნდებოდენ და ისევ გამორბოდენ.

ბოლოს ოთხივე წივილ-კივილით ვირს მოეხვია, კოცნიდნენ, ზედ ახტებოდნენ და უაღერსებდნენ.

— ძარგია, შვილებო, კარგი! ხომ ხედავთ, „ლურჯა“ ჩვენ გვარგუნეს! სოფო, შვილო, გაიქე სახლში, ცეცხლი გააჩინე, ამ პატოსან მოწმეებს უნდა გავუმასპინძლოდე!



მაგდანა თავის მოწმეებს გულუხვით დაუხვდა. ღვინო და არაყი ბლომით მიართვა, კარგი ჩასუქებული დედალიც დაუკლა — და შუალამემდი იმის ერდოდან, წუხანდელი ტირილის მაგიერათ, ჰარი-არალეს ხმა ამოდიოდა!..

